

Канон преподобному Арсению Коневскому

Память празднуем 12 (25) июня

Тропарь, глас 1-й

Божественною любовію возгорѣвся, мирская пристрастія от души отвѣргше, тѣсным путемъ по́стничества во след Христа невозвратным умомъ шествовал еси, Арсение всеблаженне, от Негоже и мзду трудовъ твоихъ на Небесѣхъ восприимъ, поминай насъ, чтущихъ святую память твою и вопиющихъ: слава Давшему ти крепость, слава Венчавшему тя, слава Действующему тобою всемъ исцеления.

Ин Тропарь, глас 4-й

Духомъ Божиимъ наставляемый, возлюбилъ еси безмолвіе, в немже евангельски подвижашуся, пречудный Афонский даръ – Богоматере икона, даровася ти, всеблаженне, и, образъ добродетелей бывъ стаду твоему, Арсение отче нашъ, к Горнему торжеству возшелъ еси, идеже со Ангелы ликовствуя, моли Христа Бога спастися душамъ нашимъ.

Канон, глас 8-й

Песнь 1

Ирмос: Воду прошедъ, яко сушу, и египетскаго зла избежавъ; израильтянинъ вопиаше: Избавителю и Богу нашему поимъ.

Припев: Преподобне отче нашъ Арсение, моли Бога о насъ.

Содетелю Ангеловъ и свѣта Подателю, Иисусе, Боже мой, умъ и сердце мое просвети, да земнаго Ангела – святаго Арсения воспою, радуясь славе Твоей.

Преподобне отче нашъ Арсение, моли Бога о насъ.

Якоже кринъ сельный, красенъ былъ еси, Арсение, в юности добродетельми и яко избранный Божий, полнъ сый любовью и благодати, удалился еси отъ міра.

Слава: Пространнаго пути бѣгая, путь тѣснаго житія, подвиги и труды по́стническия возлюбилъ еси, Богомудре, имиже внити сподобился еси в вѣчный покой.

И ныне: Хвалимъ, благословимъ, поемъ и величаемъ Тя, Богородице, яко рождествомъ Твоимъ от прѣлести миръ избавленъ бысть и подадеша отпущение греховъ и спасение душамъ нашимъ.

Песнь 3

Ирмос: Ты еси утверждение притекающихъ к Тебѣ, Господи, Ты еси Светъ омраченныхъ, и поетъ Тя духъ мой.

Преподобне отче нашъ Арсение, моли Бога о насъ.

Яже на Горѣ обитель бысть тебѣ, Арсение, яко лѣствица, на гору добродетелей возводящая и Горняго разума и мудрования ходатайственна.

Преподобне отче наш Арсение, моли Бога о нас.

Кроткому и смиренному сердцем Господу Иисусу подражая, смирен мудрованием, кроток и послушлив ты был еси, от Негоже и благодать тебе, Арсение, даровася.

Слава: Якоже Гедеон иноплеменики, ты пагубныя страсти воздержанием победил еси, досточудне, и ничтоже успе враг диавол, присно оными ратующий.

И ныне: Осквернено сердце и устне имея, припадаю, и лобызаю, Пречистая, образ Твой святой, и со слезами молю Тя, Владычице: росюю благодати и душу и тело мое очисти.

Господи, помилуй (трижды).

Седален, глас 5-й

Манием Божественным, аще и нехотящаго, внезапно буря ветреная к сему острову на ладий обрати тя, святе Арсение, идеже вселився, духов нечистых страхования потребил еси и обитель создал еси, в нейже, яко маслина, плодовит был еси добродетельми и душепитательными словесы. И ныне во обителях Небесных Христа Бога моли от грехопадений избавити ны и спасти души наша.

Слава, и ныне: Благоутробиа источниче, Мати Господня, не презри ны, во глубину греховную впадшия, но моли Сына Твоего и Бога нашего, еже не погубити нас со беззаконными нашими, но помилovati и спасти души наша.

Песнь 4

Ирмос: Услышах, Господи, слух Твой и убоялся, разумех неизреченное Твое смотрение и прославих, Слове, низхождение Твое.

Преподобне отче наш Арсение, моли Бога о нас.

Аще и совершен был еси в деянии и видении, но сокровище духовных даров умножити желая, яко рачительный купец, пошел еси, Арсение, от севера на восток.

Преподобне отче наш Арсение, моли Бога о нас.

Горняго Сиона иский, яко жаждущий елень на источники водныя, во Афонскую Гору ты шествуеши, Богомудре, и нас научи, молим тя, Горняя мудрствовати, а не земная.

Слава: Во Афонстей Горы, яко богозарный светильник, возсиял еси, Арсение, добродетельми: подвижи бо и труды твоя световидна и славна тя сотвориша.

И ныне: Не остави погружаться лютыми скорбями душу мою, о, Радосте, Радость родившая, Богоневесто! Но темныя скорбей облаки от сердца отжени и даруй ми свет и веселие.

Песнь 5

Ирмос: Просвети нас повелении Твоими, Господи; и мышцею Твоею высокою Твой мир подаждь нам, Человеколюбче.

Преподобне отче наш Арсение, моли Бога о нас.

Богоизбранному сосуду – Павлу, трудами, Арсение, ревнуя, сам был еси, яко сосуд злат, чистен, богоизбран, Небесным миром исполнен, благоухаяй присно добрыми делы и словесы.

Преподобне отче наш Арсение, моли Бога о нас.

Свята и праведна, духовных плодов исполнена и Небесным сокровищем

одарствована, необитаемому острову дарова́ тя Бог, Арсение, на прославление имени Своего́ свя́таго.

Слава: Еже при исходе от Горы́ Свя́та́я проро́чески рече́ авва Ио́анн, си́е тобо́ю, о́тче, испо́лнися: оби́тель бо во стране́ се́верней устро́ил еси́ и храм дивен в честь Хра́му одушевлённому.

И ныне: Взира́юще на святу́ю ико́ну Твою́, Влады́чице, зри́м вели́чие и сла́ву Твою́ и благоче́стно сла́вим Тя, я́ко покрóв, заступле́ние и спасе́ние душ на́ших.

Песнь 6

Ирмос: Моли́тву пролиó ко Го́споду и То́му возвещу́ печа́ли моя́, я́ко зол душа́ моя́ испо́лнися и живо́т мой а́ду прибли́жися, и молю́ся, я́ко Ио́на: от тли, Бо́же, возведи́ мя.

Преподо́бне о́тче наш Арсение, моли́ Бо́га о нас.

Проро́ческий глас во уме́ имы́й: се, что добро́ или что красно́, но е́же жи́ти бра́тии вку́пе, – купножи́тие, еди́но се́рдце и ду́шу иму́щее, во оби́тели твоёй уста́вил еси́, му́дре, в назидáние и спасе́ние душ на́ших.

Преподо́бне о́тче наш Арсение, моли́ Бо́га о нас.

Яко избра́нный Бо́жий, святы́й и возлю́бленный, возлю́блен был еси́, Арсение, святы́м Евфи́мием, Богому́дром па́стырем вели́каго Новагра́да, и́же, во оби́тели твоёй быв, просла́ви Бо́га, святы́я Сво́я прославля́ющаго.

Слава: Образ добродетелей был еси́ ста́ду твоёму́, Богопросвеще́нный наста́вниче наш Арсение, от вся́кия злы́я ве́щи удалён: я́ко да изба́вишися от собла́зна, преткнове́ния и козноде́йства вра́жия.

И ныне: Хра́ме одушевлённый, Богоро́дице Де́во, предста́тельством Твои́м мене́, жили́ще бесо́в и страсте́й, претвори́ во храм Ду́ху Пресвято́му, да воспою́, ра́дуясь, Твоё Ма́тернее благоутро́бие.

Го́споди, помилуй (трижды). Слава, и ныне.

Кондак, глас 8-й

Триси́ятельнаго Божества́ сия́нием просвети́в се́рдце твоё, преподо́бне, светови́ден весь яви́лся еси́ добродетельми, я́ко и Го́ру Афóнскую свет трудолю́бия твоего́ озари́, иде́же святу́ю ико́ну Со́лнца Истиннаго, Христа́, и Его́ Пречи́стыя Ма́тере в дар при́йм, на о́стров Невá э́зера прише́д, оби́тель устро́ил еси́, всеблаже́нне. Тем, ве́рою и любóвию к Тебе́ притека́юще, ра́достно вопие́м: ра́дуйся, пресве́тлый светильниче, Арсение, о́тче наш.

Икос

Ка́ко тя восхвалити, недоуме́ю? Ты сам беспло́дный ум мой, преподо́бне о́тче, сотвори́ благопло́ден и научи́ язык до́бре глаго́лати тво́я по́двиги и труды́, ими́же восток и се́вер, я́ко луча́ми све́тлыми, озари́л еси́. Сего́ ра́ди ны́не весь собо́р празднолю́бцев хва́лит тя, вопия́: ра́дуйся, блага́го ко́рене Богоизбра́нное прозябе́ние; ра́дуйся, плодови́тая ма́слино вели́каго Новагра́да. Ра́дуйся, зерца́ло в ю́ности благона́врия; ра́дуйся, Христо́ва и́га рачите́лю всеизря́дный. Ра́дуйся, светоза́рное и́нокво́е удобре́ние; ра́дуйся, Горы́ Афóнския посетите́лю трудолю́бный. Ра́дуйся, чуде́с сокрови́щем, о́бразом Богома́тере, одарова́нный; ра́дуйся, в чуде́сах от Бо́га просла́вленный пресла́вно. Ра́дуйся, страхова́ний де́монских потре́бителю; ра́дуйся, обуева́емых на мо́ри спасите́льное окормле́ние. Ра́дуйся, боля́щих безме́здное врачевáние; ра́дуйся, притека́ющих к тебе́ исто́чник исцеле́ний. Ра́дуйся, Конёвское пресве́тлое свети́ло, Арсение, о́тче наш.

Песнь 7

Ирмос: От Иудеи дошедше, отроцы в Вавилоне иногда верою Тройческою пламень пещный попраша, поюще: отцев Боже благословен еси.

Преподобне отче наш Арсение, моли Бога о нас.

Мысленному кумиру – греху, водимъ сый Духом Святым, ты, отче, не послужил еси, и от огня страстей невредима ты сохрани Вседетель, поюща: отцев Боже, благословен еси.

Преподобне отче наш Арсение, моли Бога о нас.

Не имеша во трудех покоя рuce твои, Арсение, ни ум в трезвенной молитве, ниже очи твои воздремаша когда от бдения, ни колена твоя изнемогоста от поста, яко Бога помощника себе имел еси, поя Ему: отцев Боже, благословен еси.

Слава: Обитель твоя, Арсение, от скудости и глады избавися, возвращшуся ти второе от Афонския Горы. И ныне, Дающего пищу алчущим моли, хлеб насущный даровати поющим: отцев Боже, благословен еси.

И ныне: Врачу душ и телес, Христе Боже, молитвами Тебе рождшия немощи наша уврачуи, просвети и укрепи ны в заповедех Твоих, поющия: отцев Боже, благословен еси.

Песнь 8

Ирмос: Царя Небеснаго, Егоже поют вси Ангельстии, хвалите и превозносите во вся веки.

Преподобне отче наш Арсение, моли Бога о нас.

Царя Славы Христа, не искав славы человеческия, на Небесех зрети лицем к лицу сподобился еси, Арсение, во вся веки.

Преподобне отче наш Арсение, моли Бога о нас.

Царя царствующих Бога в Небеснем Царствии не престаи молити, Арсение, на супостаты победу и одоление даровати.

Слава: Царя Небеснаго моли, преподобне, даровати мир Церкви, обилие благ земных, отпущение грехов и спасение душам нашим.

И ныне: Царю Небесных Сил, Иисусе Всесильне, молитвами Матере Твоея Пречистой от обдержавших мя страстей избави, яко Благоутробен.

Песнь 9

Ирмос: Воистинну Богородицу, Тя исповедуем, спасеннии Тобою, Дево Чистая, с Безплотными лики Тя величающе.

Преподобне отче наш Арсение, моли Бога о нас.

Яко избранный воин Христов, благочестно подвиги совершая и теснаго пути течение скончавая, упованием ты радовался еси, Арсение, о воздаянии на Небесех.

Преподобне отче наш Арсение, моли Бога о нас.

Яко благий воистинну, от благаго сокровища сердца своего словеса блага при исходе изнесл еси, Богомудре, наказуя ученики своя еже благоугождати Господеву благочестием и добродетелей деланием.

Слава: О, Божественнаго рачения! яко в час исхода от земли святой Арсений бываает причастник Божественных Таин Христовых и абие дух свой в рuce Его,

ра́дуясь, предаёт.

И ны́не: От святы́я ико́ны Твоея́, Влады́чице, благода́тию оза́реми, ра́достно
вопи́ем Ти: ра́дуйся, исто́чнице воды́ живо́тныя, ра́дуйся, земно́родных ра́досте,
прибе́жище и спасе́ние душ на́ших.